

觀察諸法行經卷第一

器

無邊善方便行品第一

隋天竺三藏闍那多譯

爾時婆伽婆更遊王舍鷲鳥丘中共大比丘衆滿千比丘共菩薩摩訶薩有八十俱致菩薩摩訶薩種種佛刹來集皆得陀羅尼忍三摩地一生補處證得過去未來智道言說清淨不作詐善不自攝護元有貪婪外道不勝過魔羅衆得諸佛法具成無畏法障已過業障已滅於法本性已得無礙說歌頌句心無窮盡不可思劫願鉅莊嚴突顯先語面無頓感辯才不斷已得等忍三摩地陀羅尼具成無邊辯才及勝無畏百千俱致衆由多劫善說一句信解諸法猶如幻鉢水月夢影響等無來无去無生无滅空無相无願顯不可取無有障導善知无边智慧善覺諸衆生心行智如彼衆生信解隨其信解善為說法禁攝自心離法渴愛具無憍忍善巧勝妙如本性法攝取佛刹功德莊嚴无边

作頌善能衆行無數世界念佛三摩地常現在前善勸請无量佛善知滅經順眼煩惱善知遊戲非一百千三摩地海彼謂慈氏菩薩摩訶薩曼珠尸利童真觀世自在菩薩摩訶薩大勢至菩薩摩訶薩雲音菩薩摩訶薩善百千開華智菩薩摩訶薩无边攀緣出意菩薩摩訶薩電莊嚴鳴音王菩薩摩訶薩無數俱致劫普生智菩薩摩訶薩師子吼王菩薩摩訶薩等不等觀菩薩摩訶薩淨密金無疑王菩薩摩訶薩寂觀菩薩摩訶薩智王菩薩摩訶薩不空見菩薩摩訶薩賢護為首十六大善丈夫象香手者菩薩无邊寶藏菩薩智積菩薩辯積菩薩師子吼鳴音王菩薩珠莊嚴瓔珞行菩薩師子行步菩薩陀羅尼自在王菩薩得無邊辯才无畏菩薩名稱菩薩摩訶薩喜王菩薩摩訶薩如是為首共八十俱致菩薩摩訶薩若此三千大千世界大王或釋或梵或大梵或天王或龍王或夜叉王阿修羅伽留茶緊鄰羅摩摩耶羅伽人非人主

觀察諸法行經卷第一 第二

彼共眷屬圍繞執持華鬘塗香衣蓋幢幡鼓樂詣於佛所到已頂礼佛足作三匝繞隨所執持華鬘塗香衣蓋香衣蓋幢幡鼓樂於世尊所作供養已尊重受教合掌而住

尔時喜王菩薩摩訶薩七日斷食已若經行若立若坐不卧不睡精勤求法何等三摩地令菩薩摩訶薩於无上大乘轉取遍智財寶智等彼作此因緣已即起於座一肩整衣右膝著地合掌向佛而白佛言大德世尊我於如來應正遍知隨分欲問若婆伽婆賜我空閑如我問已即為解說如是語已佛告喜王菩薩摩訶薩言喜王如來應正遍知常作空閑解說問難喜王汝若如是欲問如來應正遍知我即於汝彼彼所問如問解說當令歡喜如是語已喜王菩薩摩訶薩而白佛言世尊何等三摩地菩薩摩訶薩具成三摩地故菩薩摩訶薩如實知諸衆生心行能入諸佛世尊說意所說無倒順入隨音實智能見現在諸佛世尊无有障導順得無瞋諍

觀察諸法行經卷第一 第三

法於如聞如念法奉行而住雖於世
法中行而不為世法所染雖行遍智
定中而於彼自在不生雖行涅槃法
中而不於中間涅槃以未滿諸佛法
故雖行聲聞獨覺法中實行而不於
彼乘涅槃出無邊念心不忘失入諸
衆生種種界門無窮盡問辨說相續
攝取無邊功德莊嚴佛刹於別智中
得無餘智雖成熟衆生不依衆生想
而說法彼無有見住而將置涅槃亦
无一法可欲寂靜雖行菩提而不依
住大智具成捨離有無二邊故雖知
諸法緣生而於緣生法中不著速證
阿耨多羅三藐三菩提降伏摩羅及
與徒衆諸他論師以法屈伏當轉无
上法輪為天等世作法吼鳴世尊然
佛法不可思菩薩法不可思菩薩行
不可思甚善世尊我向問如來者世
尊以無數不可思諸種種勝具佛智為
我演說若我於世尊邊聞已如實當
行如實行已當滿諸種勝具佛智喜
王菩薩摩訶薩如是語已復以歌頌
問佛此歌頌者所謂

真寶諸法行經第一卷

第四疏 云

我問論師月世親人上者若諸菩薩行
次第為解說

多衆等來无有邊人天夜叉衆如信
聞勝功德佛法已多百欲與覺相應
佛勝德中生信已我問渡諸功德岸
名稱无边知我心他非我證除勝若
解散分別十力行人天渴樂勝者德
菩提德行取無比百大方便說智行
如破黑親共力者如速放出智光明
如動三千所有地如菩薩行當為說
婆伽勝覺樹住此而抖擻如放光照刹
俱致都由他如大地震動觸證最勝智
善行於行者如行當為說
如有當得開華相如生无邊音住持
如得正定等迷留如菩薩行當為辨
如有開華相无垢如有善巧聞持意
如有不動似迷留滿百功德如行說
無等无稱無諸詐无我應供無三垢
智衆所讚勝沙門我今問彼勝人行
善意行持開華言勝言無錯无濁語
善夫牛王利除垢如速作佛為我說
若有多人來集此晝夜精勤无異心
彼等聞此勝行已當住如實菩提行

真寶諸法行經第一卷 第五疏 云

此多人天樂佛德晝夜更力勤不餘
彼聞此行當奉行當得十力破他力
如當得於三摩地如得通智及辯才
如佛光照无邊方當問智慧无邊稱
笑顏如如說如是善知如如諸法中
如得智通廣住持見十方佛百无垢
云何當得無比智善那由多俱致經
當於說時无有錯如菩薩行當為辨
我不問有樂去離有越者我不問小行
去離諸行者如得寂勝德百種功德圓
為我如是說顏容喜笑者
我今不問有樂道我今不問境界依
勝者我欲生甘露十力所行如實說
善逝云何當淨施云何持戒振去塵
云何忍慈皆欲樂如有精進彼當說
云何憂智樂斷惑云何智度斷名言
當如智海不可動如菩薩行當為說
若我不得問善逝於中我智盡不起
得度遍智功德岸為我皆說無邊德
如是語已佛告喜王菩薩摩訶薩言
甚善喜王甚善喜王汝今發行為多
人利益故為多人安樂故為憐愍世
間故以義利益安樂天人故亦為此時

真寶諸法行經第一卷 第六疏 云

及未來菩薩摩訶薩不斷佛種性故不斷法種性僧種性故汝於如來應正遍知今問此義如汝於恒伽河沙等佛世尊邊已曾問難出生解說喜王彼宜善聽善作正念我當為說菩薩因何三摩地得此及異功德知諸衆生心行喜王菩薩摩訶薩言世尊如是樂聞佛言喜王有二摩地說名決定觀察諸法行菩薩摩訶薩若因此三摩地得八十四三摩地得八十四千陀羅尼得八十四千波羅蜜速證阿耨多羅三藐三菩提已轉无上法輪為天人等世當作嗚吼喜王彼何者是說名決定觀察諸法行三摩地彼所謂如說如作如作如說身淨語淨心淨求於利益作朋友心不為求欲不捨於悲不為取法不失於信自捨不動善入衆生言辭作調順業順斂於身捨離惡語心元欺誑苦者令潤樂者教修^二放逸者覺察發勤者令更合法悔者令出散不住法想離衆生想不分別事想捨諸取者觀知於相取戒不動^三常求於智

觀衆論法行經卷第一 第七經 五

離世所言求出世語自進不忘順念於法入如所作順作儀式於業必信捨離不信^四多有信解於佛作念有罪顯說於福隨喜勸請於佛應礼者礼無有高慢不厭善根常勤相應不捨勤合^五通出生句信因作業而受其報於緣覺察不著虛實有所言說^六不住欲界不同色界相不著无色界於業報果隨之而信均與物分有平等心不言法教合不合中無有瞋恚他得利中亦不有嫉滿其所望^七度於法捨不捨戒聚除慢離瞋瞋割愚癡不生貪行隨得知足不求眷屬得利不高無利不下^八法利喜分不作貯積惡言不報自護口言顯明善提察發勤合顯明解脫問於智者不放斂攝不捨住阿蘭拏^九於頭多功德及以減省昔有喜樂信解於空不著諸事聚中不依界中不念入中不見境中不愛除滅顛倒心今念持智慧發生^{一〇}一行於聖行順斂於心隨順到福日地除捨諸行施不求報戒中不念不分別忍不覆精進不依定意

觀衆論法行經卷第一 第八經 五

智知諸法^一入六度地不念自德不惡他德不依諸行不攝量行於涅槃中無有攀緣走避流轉於解脫中无有怖想於受聚中有害者想受於滅度^二安住於忍顏容喜笑先言問評面無頻威敬老少中其心淨信不逼惱他作主減諍讚說寂靜勤教和合^三愛憎等心求陀羅尼諸衆生中如父母兄弟姊妹兒子親屬尊長朋友平等愛念愛聖如父於近誦中如愛尊重於菩薩中愛念如佛法中愛念亦如自我於多聞中无有厭足行中奉行供養如來^四上妙信解无有縮小作三寶種忍不定言身中不惜命不惜清淨活命於乞食行而不捨乾平等乞食以為愛美善住阿蘭拏^五手捨離在衆心常喜樂不雜俗家於出家者亦喜不雜不作詐善不自稱讚說於愛語菩薩乘中教化衆生入於方便常順念佛^六思惟於法常尊重僧供養智者^七近解者守護定意者扶持勤合者說菩提道念修於法信於福德於衆生所教以善根^八

觀衆論法行經卷第一 第九經 五

受念信者出散苦者淨於威儀慙而有畏懼見慙悔難於惡人住如法行向於除滅求於聖行熏修念處恒住正斷普得神足取於諸根成就於力觀菩提分道不顛倒入舍摩他察發毗撥合鄰於心不喜法中普喜起過攀緣地中而能不住不驚无見生不憶想護善薩行於佛行中作無量想默棄惡行捨先所作淨於自業秘毗鄰耶禁別解脫不毀法教以時而行離於非時善巧入出知於頤量活命事中足而等喜入諸智通修三摩地入於所行入於妙寶如來所說取不可得勤合者喜顯明佛子令聲聞者聞行令獨覺者順知一道菩薩財物聲聞遊處智者所行是調順者所趣重說法者察多信者示現佛道求財者截求果者田三火熱惱者園得三摩地者華池生白法者母不信身者令止繫緣於相布置諸好等住佛刹得陀羅尼出種種智熏修勤合起摩羅境勇健闢割斷煩惱摧滅不善熾然於善勤作願

聖家諸法行經卷第一 第十卷

若瑠璃摩羅所不能破所說无盡世間不等外道不知已過賢聞法中已出獨覺安住遍智中衆生入道之所趣到善朋友言如實覺察是受報者等喜欲飲者味欲惠樂者身向涅脍者乘趣岸者船欲度者筏生盲者燈欲見者眼說法者炬不虛者誓欲施者財欲解脫者方便求戲者喜樂等喜者淨信歡喜者受求聞者性慶得三摩地者迷留望得眼者帝釋入闍戰者勇健欲住者窟自心行者梵心勤合者喜樂不退轉者遊處得無生法忍者淨心智行者念初業者方便丈夫智者檀弩三摩地者弓說无我者鄉羅延遍智者道令解脫者生平等智諸天所礼諸龍奉華衆人供養學者所難作无學者向礼菩薩所讚法主所念覆藏報者城善方便者道勤合者利疑者令散欲者令斷煩惱者吐欲渡者淨病者良藥不顛倒見者治箭者拔出欲作淨者自在欲作吼者无畏相欲聞者所趣三涅槃者道惡趣者遠離欲色无

聖家諸法行經卷第一 第十卷

色者起過嚴佛土者瑠璃金剛喻三摩地者生因寂後生者坐師子座令福德者不失求者令取之者榮進墜者令起懈怠者令發力發事者建立過發事者令止於定令入諸事令捨取闍諱者令其棄除於遍知者令其滿足得出生無邊門說勝義者令其不失令說空者畢竟寂靜信无相者令滅分別信無願者止斷急務令信捨者起過三世順至諸處善方便中於覺為燈於未學者心不輕賤於說法者無有所求其錯法中不生瞋恚於等乘者无有謗毀不望其物而為說法於說法者諸事供養於聽法中心不散乱於徒衆所無有欺念於法施中無有斷絕於純直者難可為問於瞋恨者住於忍心悔者令散於道不息求於智聚令依取者而得解脫惡者令調无住處者令捨欲順念者令其正念發起菩薩顯示諸佛令四衆喜味勝者美味欲戲者雷於甘露為門涅槃行者所趣令欲得不怖者有凉无熱是得道者解脫

聖家諸法行經卷第一 第十卷

繫縛

於樂心所請與利益其心放
息意樂身樂智者所取堅受不捨不
轉如來方便道行熏諸善根害諸不
善根是無智者所學入方便中者所
成不誑者相順佛教者所行智者
明示現佛刹札拜俱致諸佛能作俱
致問難斷其所疑生長諸白淨法棄
捨助黑不失諸福慧福者愛生慧樂
者勇健欲說者辯說法者護令諸因
者生愛於諸法中而有善巧知於生
滅示現如如於徒眾中自心調伏合
方便者令喜暢者令散方便成就者
坐令思察者飽足觀視无惡法主
者雷名稱丈夫者勇步煩惱垢者令
止諸見行者令害聞者令持持持於
法令說法者无錯不轉菩提善諸入
門善根者聚不斷佛眼熾然法眼攝
於聖眾伏他論師善作法語菩薩所
行等心者月求業者日欲學者師諸
修多羅者護智者將導白法種子甘
露熟果順念於生不染流轉癡凡業
者厭棄如來功德者真實讚歎者得
无邊報持者通智因來讀者利得所

觀衆諸法行經卷第一

第十一

趣

三十書寫者入無邊功德智說者无
量福德是不來者渡津是不動者住
處諸世欲受者為說諸佛已說攝揚
過去佛眾滿未來佛所望是現在佛
智藏諸眾生行入門聲聞乘者普登
獨覺乘者燭明佛乘者持諸出生者
不失示現佛手者印是不覆藏者實
得疾智者轉生能令問佛功德今欲
作者无默令煩惱火寂滅得方便
智令解地界令入水界等入大界不
住風界出生解脫虛空界淨於智界
順入法界歇棄諸行遮斷順眠散於
瞋除捨受憎善巧自行善巧他行
令欲說者辯才無盡諸出生中令不
入著令相應者不可言說捨於我相
除我所相遠離入著下下心如大寂
妙入門善繫於定是之者蔭令渡於
流外論所不能破於純直者不可說
惡遠離瞋眠親近說法者起過掉悔
除滅於疑散於貪欲遠離癡墮不見
於我顯明无我不建立命法中不觸
說中不諍所辯合理善於思惟不作
於行有調順體有不怯弱畢竟信解

觀衆諸法行經卷第一

第十二

入眾不誑自德不譽他德不嫉其心
常行通智不取住處淨等行不愛其身
不憚其心於行善巧思惟順念不毀不慢
求於解脫欲得無疑念修梵行於慈等
心於悲順攝於喜當念捨滅憎愛於戒
順攝定皆出生慧慈覺知所出生字言
辭善巧不喜共眾一宿移行既不舉取
亦不下置其中覺知不著諸法顯明於
如不誑諸眾生不斷三寶種姓於法攝
取三十滿牢固願不羨小乘與定相應
晝夜不捨滿諸淨心智慧功德
百一十五句其中分句長短無定
每少乃至二字為句多乃至五字為句
一句此乃隨義分句故也不可
一一句後記數五好詳之七喜王此謂說
名決定觀察諸法行三摩地是菩薩
摩訶薩境界入眾生行取遍知智此
中法本說時九十二部由多菩薩无
生法中忍生五千眾生先未發生阿
耨多羅三藐三菩提心於今悉生三
十部由多畢竟淨心天及人等速塵
離垢煩惱中出諸法中法眼生十百
千比丘不受故无漏心解脫此三千

觀衆諸法行經卷第一

第十三

大千世界六種振動大光遍世。此時
世尊復今此義無量顯明。即說歌頌
所行清淨聖者道。其心解脫隨順法
菩提分眼辯法中。此三摩地善逝行
降伏摩羅遠離垢。除滅瞋障斷有愛
名稱及智善具德。此三摩地德智慍
於智為地及善道。諸聖者姓破摩羅
解脫於有善逝讚。此三摩地德智財
細入法行諸際門。順覺過惡已作斷
除滅於苦入勝樂。此三摩地善逝行
此是覺念覺分華。慍愧具足攝於善
菩提分勝善逝趣。勝三摩地此已說
菩提分場解脫光。過彼星宿作明照
作於光明起三有。讚彼如是法勝月
三種方便望得淨。親近解脫寂勝王
捨知識利及詐善。此三摩地應成就
於他毀辱當遠離。莫因知識自讚譽
常行乞食但三衣。勿作貯積與此合
望得諸聖等分戒。常應尊敬問智者
問已如實修行住。彼故當得寂靜定
若有戒美諸世中。遠衆欲惠舍摩他
勿作詐善莫憐生。彼故速當得勝定
於尊師所常恭敬。若老若中如初者

觀衆諸法行經卷第一

觀衆諸法行經卷第一

諸處如是常受教。欲求善逝所有財
勿作瞋面莫著怯。見諸世人常共語
勿作貢高憍自在。彼故當得寂靜定
應當捨身莫愛惜。勿有憍慢多瞋眠
晝夜修念意相應。彼於勝定則當得
等心諸世意於慈。以悲意行菩提行
喜捨平等稱量意。彼於勝定則當得
應常守護十力財。於法破盡苦世時
若常守護法財物。彼當得此寂靜定
意常不著三界中。隨順憶念流轉苦
欲求涅槃安隱處。速得寂勝無比身
隨順憶念无我空。於諸相中普遠離
亦離三有所作願。彼即速得大悲者
行施自守若調伏。持戒及忍如精進
常喜於定解脫智。此三摩地彼速得
如我昔行數百劫。如我說此菩提行
如我得覺寂靜安。如是等行速已觸
我是遍智善牛王。學我諸勝所有行
若行如我往昔行。彼當得佛人勝者
衣慍及食解脫味。心信於定意空閑
無我歌詠常受作。云何他智當觸樂
擔負罵詈堪忍他。勿懷怨恨不供養
應於業報當普信。彼於勝定則當得

遠離有見及惡道。當親近空聖所趣
晝夜精進力發起。彼於此定則當得
遠離二邊不受道。近平等道若實路
如此修行佛所愛。若觀不生不作法
寂勝不求妙華香。妙衣及以幢蓋等
若於法空隨順行。此是寂勝第一共

觀察諸法行經卷第一

辛丑歲高麗國大藏部監
勅雕造

觀衆諸法行經卷第一

觀察諸法行經卷第二

器

先世勤相應品第二

隋天竺三藏闍維多譯

尔時世尊復告喜王菩薩摩訶薩言
喜王又復菩薩應覺諸法不依應覺
諸法不出不減不作不生遠離輕虛
自空不牢不取不捨應覺諸法元常
苦無我寂靜應覺諸法空無相無願
應覺諸法元我無衆生元命無富伽
羅應覺諸法不合不可作元自體
無相元有應覺諸法離染不行離戲
論不行到寂勝不種種無戲論離
戲論不可取不持無住處不來不去
不住无字不可說諸法不可言不
可將來無業元報應覺諸法不分別
無種種分別斷普分別諸想及念皆
已除斷破天等世得度五趣度於衆
生勝魔羅衆起過煩惱魔羅出聚魔
羅斷死魔羅滿無著智攝取三世勝
色為諸衆生所愛為智者所供養能
於諸法見其法體得肉眼淨到天眼
明到智眼行不動法眼具足佛眼如

月顯照知諸衆生心行不勤合者當
作覺察捨諸所取^二於三千大千世
界中為諸天人作支帝相隨順得淨
行地通無我際知於出界諸衆生所
當作親尊離增上慢有於忍力起五
障尋能於名色知其本性順覺諸佛
所說言辭順覺三十二相^三於得不
得心有所取皆已超過於世間得而
得世法不染於諸衆生當為作舍開
沮脰門令諸衆生入无畏城與甘露
味演說於法覺煩惱離散衆生熱斷
其所著諸見縛等六根不染而為衆
生說法得十六字門所出施羅尼何
者是彼十六種施羅尼所謂阿字不
生義故波字取勝義故遮字四實義
故鄰字知名色生義故施字調伏義
故沙字超過著義故迦字不失業報
義故娑字諸法平等義故伽字甚深
義故他字勢力義故闍字超過生老
死義故車字斷煩惱元餘義故踐字
高出義故訖字住義故察字教化邊
地弥黎車義故^{梵字}少一字善家子此是
得十六字所出施羅尼名得施羅尼

觀察諸法行經卷第二

第二

三

所出巧智解知諸法自空選擇諸衆
生心出離諸煩惱吐諸凡夫所取通
彼法相度流轉海善說令喜設法施
會巧生諸字音智解知於空樂佛解
脫捨愛不受而無悵惜於諸外道他
論如法降伏說師子吼得於佛智興
於法施吐諸煩惱破怨惡義信諸佛
轉法輪通達於如乃至知法曠暢已
離欲泥不染調御衆生除去於垢能
以悲水洗於衆生統領徒衆順得勢
力超過老死念千數劫持持法藏通
達寂界得空等智順學盡法諸衆生
等所應讚歎滿無障智得无熱惱熏
習順行摧魔羅軍薩覆三千大千世
界順念前世世世地作依止趣其
在家者盡皆覆護知處非處不捨先
誓於諸衆生以慈遍滿知衆生所
念間意當作正直得旃檀鄰戒香斷
生死道順得涅槃知諸法如鄰字觸
住喜王彼如鄰字已上无字彼亦無
名亦不可說亦無有聲不施設名不
知名說彼諸聲言辭中彼不過去不
未來不現在彼諸佛不已說不今說

觀察諸法行經卷第二

第三

三

不當說不生不出如是等相諸法菩薩當知喜王復有十六字陀羅尼所入門所謂覺字行相說勝義法度於四流說無有名色法善巧布施自守住忍不倚六根行於六度令滅欲煩惱故而為衆生說法巧知諸法差別得深無疑說處非處知諸衆生所行忍盡惡言捨皮肉髓知念意行安住法界解知解字盡入諸法喜王此是十六種字陀羅尼入門喜王若菩薩摩訶薩正覺如是十六種字陀羅尼入門如阿字無生義故波字取勝義故連字度四流義故解字說名色義故施字布施自守和合義故沙字六通智義故迦字不見業報義故沙字諸法平等義故伽字甚深義故他字示現勢力義故闍字示現生死義故叉字示現忍力義故車字吐極惡煩惱義故娑摩字自大證覺義故娑他字說處非處義故多字說盡邊義故彼則得此說名決定觀察諸法行三摩地因此十六種字陀羅尼菩薩摩訶薩不為智者所訶棄欲瞋癡演說

到彼岸道得四元畏受那羅延身利割欲枝得十力力值過妙音得滅熱惱授聲聞獨覺記遠離左道得如來地如所言說如作即得高慢衆生當令解脫作佛事業順得聚智疑得衆生斷其疑惑以有和善共住安樂滿足大悲起摩羅境滿足美音除慢放逸而得於忍善入深定今度諸趣而為說法於諸法中今得淺處為住彼岸今到陸處知諸衆生所行知諸法方便行念無數劫持諸法體寂滅諸惡清淨諸疑得空等智順到滅煩惱滅速踐覺場天龍當讚順覺諸智巧滅燒熱說諸衆生自體食甘露食斷諸疑睡捨離隨者所有習氣以其大悲覆諸衆生念前宿世見於涅槃功德順覺凡夫所行得密大智害諸異念鳴於法界今住佛智起種種相順覺出生知衆生處能使佛刹豐滿元彼熾然離於老病速能順覺方便密語斷生死道順到安隱涅槃於惡摩羅速能降伏於無量世界中見佛世尊離欲已而聽法亦不忘智如所希

望攝取佛刹巧知遊戲出生諸三摩地喜王菩薩摩訶薩若得此說決定觀察諸法行三摩地當知亦得薩婆若何以故然彼何時欲證阿耨多羅三藐三菩提若一生若二若三若四若五若十若二十若百生若千生若百千生若一劫若百劫若千劫若百千劫乃至欲於久時彼亦久乃證覺以願自在於流轉中盡後除劫何以故然後於諸法中自在故又佛說此陀羅尼字門品法本時三十二千菩薩得忍彼時此三千大千世界六種振動今時世尊說此歌頌
無錯無濁無穢離非趣行到甘露應天地供作無等持此方便十力行喜作離怨滅荒塵面如開華人天樂應勝者德度有流持此方便十力行除滅他衆善他行人天愛重拂他意分別他行善巧意此道中行十力行捨增有取不如行覺察人天如意決行顯亦如空中月此有眼行智者行人天常愛彼意者不樂有趣境無錯分別百行衆中吼此智者行照諸方

得二十復有二 諸相妍妙人天奉
得失不著離二取 彼得此行照諸方
甘露施主善行施 常與勝財世牛王
十力大力降他力 不久得此智者行
分別多德勝念意 寂滅多苦與多樂
多人尊重善奉事 意佛功德智學此
降衆不久如牛王 滅百熱惱離諸熱
飛虛空道多百刹 行此方便照諸方
信處善巧諸世信 信慈意住念无等
擬去百著作世香 持此方便百德聚
分別多德吐三垢 彼有潤膩美妙言
善說百分天地中 持此德財勝元等
度人天住無畏城 振去間塵如言說
如行无惱行如行 持此方便十力行
甘露財勝名聞至 勝德無等如行得
如意人天如言說 智者學此甘露道
无塵至慶照十方 脫慢衆生直無曲
至無畏城離荒憊 持此方便十力行
說善合化人天 不意樂欲意樂法
說作作者說百行 學此方便善意者
等意等行淨衆生 善合善美善行說
諸法中巧常與樂 行此方便喜甘露
惡摩羅力不久降 振去荒垢散三垢

觀衆諸法行經卷二

第七分

於此地與大財 持此方便十力行
超過惡趣行勝趣 象馬獸主戲行若
讚德持德百德滿 不久得此智者行
善巧慶行不住有 勢力示現受勝力
三陸住水離諸賊 若學此行十力行
捨城及與村落地 捨愛不受不樂境
及捨勝樹捨怨衆 智者學此吏進力
憶念過去多百劫 念諸世中生及死
及念已先所聞法 持此寂靜勝定意
法炬熾然常令有 意法彼施於財法
及持十力所行者 持此寂靜勝定意
住舍摩他有慈意 寂靜止意寂靜根
淨戒甜美愛語音 當有持此三摩地
喻如犀行無我所 得到開方與閑道
離八不開隨處住 持此寂靜勝定意
於念覺知自性行 亦當善巧知盡法
示現取勝堪忍力 於此中學勝義行
應得諸世所讚歎 多百數天當讚彼
作慶作者作寂靜 於此智海親近住
鳥飛足跡當順行 於諸煩惱得寂滅
摩羅不行彼方便 此寂難見勤相應
說決定覺善遊行 拔斷有愛作无有
得彼世中常供奉 持此寂靜勝定意

觀衆諸法行經卷二

第八分

所應斷者於此淨 斷煩惱已照三有
彼作陰覆遍諸方 若持此勝三摩地
念他所行及自所 念已為說如順行
无慢行體勝者行 持此寂靜勝定意
有施捨已調伏意 善逝所趣速能行
施與無畏說无畏 此勝上定則便得
於諸世中當作親 錯誤已脫復令解
共集言議有善巧 若人修此三摩地
身等金剛全一合 速能破散魔羅軍
純白淨照无有垢 持此寂靜勝定意
是慶而住慶所應 於慶不住上意得
於慶非慶有善巧 若此定意人能持
無著辯說佛功德 出生俱致多覺解
彼无疑惑不正意 此勝寂定有能持
於彼甘露速能信 亦當信於與樂者
得到果已護他世 此勝寂定有能持
解知於聚常自空 彼无錯誤無迷惑
諸行行到三有中 若人持此三摩地
當得捨離於老病 不被他降巧為直
其心相續意持戒 若此定意人能持
割斷生樹是聖道 涅槃寂靜速能觸
弥梨車地彼不多 若人持此三摩地
不自讚揚巧妙語 功德名稱上普德

觀衆諸法行經卷二

第九分

端正顯現衆中入如昴宿月月淨空
眷屬衆具家姓名善逝親眷彼時得
彼所有辯如水王謂當持此三摩地
法自性相無我行於諸世中順覺已
速作三千勇健主此經希有平等行
乃至三千世中林人姓三種衆生行
於彼勝上得智門此勤相應觸甘露
毒刀及火不行入不畏枷縛諸逼惱
夜又羅刹不生害若淨信心此相應
財无所失財不離無病无憂無業報
不盲不聵亦不瘡如有持此四句
六十三億二足上普念於此相應者
彼所若與持持藏此寂難見已相應
若於菩提欲疾觸寂安隱德若欲取
應令此勝經典行諸所希望則滿足
彼故聞已善喜樂若人於中求菩提
彼勤相應若四日彼當得此勝寂定
八十俱致二足上餘勝六十部由多
普念與此相應者轉誦作此三摩地
若聞於此善得利聞已若有作信解
佛功德中彼无惑如到菩提如是持
彼故聞已此實行莫得懶惰意无德
諸福決定到手中若持此經若書寫

我念於先百數劫有取勝者名辯幢
彼說此勝三摩地王子月妙聞彼已
疾捨王位而出家彼聞一夜及一日
於彼分中死時到至餘刹土而復生
如恒伽沙復多彼見已復見无边勝
諸處聞此三摩地於三劫中證勝覺
名曰寶炎取勝者勝者然燈為說記
如是大利由聞此彼故聞已莫懶惰
我今欲作告汝等天人所有美妙音
我於此中開寶藏十力財物汝當取
又喜王先過去世不可數劫過不可
數廣遠無量不可思不可量於彼時
節有佛名辯才瓔珞莊嚴雲鳴出吼顯
音如來應正遍知出世明行具足善
逝世間解無上調御丈夫天人教師
佛婆伽婆其佛刹土名無邊寶功德
莊嚴世界名无垢劫名愛見又喜王
彼辯才瓔珞莊嚴雲鳴出吼顯音如
來應供正遍知有無量聲聞有七十
二俱致菩薩摩訶薩並皆得忍到灌
頂地又喜王於彼菩薩衆中有菩薩
說法者名無邊功德辯幢遊戲鳴
音彼有過量念行慙辭於陀羅尼中

遊步盡至得五通智彼白彼佛令其
觀已為四部衆廣說此說決定觀察
諸法行三摩地又喜王於彼時節有
王子名福報清淨多人所愛鳴聲自
在而彼妙形端正可觀取勝淨色成
滿具足於無上正覺中久已發行喜
王福報清淨多人所愛鳴聲自在王
子聞有無邊功德辯幢遊戲鳴音菩
薩說法者說此名決定觀察諸法行
三摩地若入村城聚邑王都中說時
彼王子於彼說法者邊聞此三摩地
聞已歡喜踊躍愛悅滿意善喜更生
詣向彼說法者菩薩摩訶薩所到已
頂礼彼說法者足尊重愛敬合掌而
住於此三摩地中復過量喜欲聞此
三摩地彼說法者復知彼過量淨信
已彼時廣說此三摩地喜王如是彼
王子於彼說法者邊聞此三摩地已
又復過量歡喜踊躍愛悅滿意善喜
更生隨所著衣而以奉覆說如是言
令諸衆生得此三摩地實如此說法
者菩薩摩訶薩彼以於彼說法者所
捨施善根於現法中承事八十恒伽

河沙等諸佛世尊於彼諸佛世尊邊聞此三摩地彼諸佛世尊所皆作取勝供養於彼諸佛世尊教法中出家攝受正法諸所不聞百千俱致修多羅而能辯說生念常滿受變化生得五通智得陀羅尼無著辯才彼順次第行諸助菩提法滿已於无边功德寶莊嚴佛刹中證覺阿耨多羅三藐三菩提壽量無量聲聞衆元量菩薩衆無量光明元量願功德莊嚴無量又喜王彼時節中有名元邊功德辯幢遊戲鳴音說法者汝意莫作異見何以故喜王彼大眼如來是也不動如來為記菩提又彼王子名福報清淨多人所愛鳴聲自在者彼元量壽如來即是彼時王子也又喜王彼王子聞此三摩地已七十千劫業障皆悉滅盡即得分別諸法句品出无造門名陀羅尼及不遠離三摩地乃至菩提場喜王彼因緣故如是當知此三摩地於諸菩薩摩訶薩所如是多作淨諸業障轉莊嚴淨刹功德轉速滿佛法轉又喜王先過去世不可數

觀衆諸法行經第二卷 第十一

劫過不可數廣遠無量不可思不可量於彼時節有名淨面无垢月妙威藏如來應正遍知出世明行具足善逝世間解無上士調御丈夫天人教師佛婆伽婆又喜王彼淨面無垢月妙威藏如來應正遍知所有佛刹功德莊嚴我今不可一切廣說乃有如是元量功德莊嚴聚集佛刹清淨菩薩摩訶薩衆於佛法中皆悉決定喜王於彼時節有長者子名曰顯妙廣身彼詣淨面无垢月妙威藏如來所到已頂礼彼世尊足即以元量摩尼寶珠璎珞百千間錯奉覆彼佛在前而住以欲法故彼如來知彼淨信已於此三摩地初中後廣說喜王如是彼長者子於彼佛邊聞此三摩地已歡喜踊躍愛悅滿意善意更生得大法力得法力已不用求天人中彼七十千婦女捨已普一踰閼那四大藏无逆寶滿捨已八百園林捨已諸所受用衆具捨已於彼世尊教中剃除鬚髮著袈裟衣以信出家非家而行又喜王彼長者子先在家時地不敷衣不

觀衆諸法行經第二卷 第十一

曾足跣行出家已十千歲中仍不敷衣足不蹈地中不坐不卧唯除食受用時十千歲中睡眠不入乃至於彈指頃亦不曾分別欲分別瞋分別害十千歲中異心不生唯於遍智相應發行精進得諸辟聲攝諸佛語名陀羅尼成就普音入門名陀羅尼彼如是熾然精進具足乃有六十那由多天於彼菩薩所勤行給侍起作相應令其身心安樂精進堪能彼如是行出家已熾然精進聞此三摩地故九十九俱致百千劫流轉皆悉背捨現在值遇七十千佛於諸處中行出家已此三摩地持讀思惟為他廣說彼發行精進故不放逸行故成就此三摩地於八劫中證覺阿耨多羅三藐三菩提還得如是佛刹功德莊嚴相住如彼世尊淨面無垢月妙威藏如來所有刹土我今見彼於南方分中四十四百千佛刹過已名大莊嚴世界彼中作佛有名善意喜樂如來說法元量菩薩摩訶薩衆集數不可盡喜王彼諸菩薩摩訶薩若欲速於諸

觀衆諸法行經第二卷 第十一

法隨順得自在者此三摩地當聞當持當說當念今時世尊復欲過量讚說此三摩地功德令高出故即說歌頌我念先世無邊劫猶如恒伽沙无量時有智者世間導辯才鳴聲諸方聞彼勝教中有比丘持法智人說法者此寂靜定彼說已王子已於彼邊聞即以白衣而奉覆迴向寂勝菩提道復見無邊諸導師得道彼号无量命彼先所有慧作業皆盡無餘无報果聞此大妙三摩地有辯才者具切德彼於後時中若有欲求道應當聞此定諸惡自當除又佛無垢月說此三摩地長者子聞已即取行出家彼於十千思惟三摩地足不踏无衣亦不入眠寢此得勝菩提唯有共聽故不受於家中亦无欲財物彼至諸佛刹於彼皆已聞諸行所入門順覺已不久其心彼先滿亦滿彼意車彼速得菩提此何不動作後時當來世多有求菩提無資財无樂不欲行出家瞋罵而吐責毀辱說惡語各各共聞已而言當作佛千數非一苦忍受為欲故為愛欲作奴而言當作佛

夢中見佛已彼暫得慈息於他當欺慢菩提我不疑此經彼聞已言誓不會義而蘇息自心不久當作佛彼等聞此實若所聞此已彼无有所著亦如空中風有此出家已多有求菩提為知識故願各各而生起彼貧窮少福限聞即喜樂於他有欺心我到菩提岸見光得界已衆生而供養以此少等喜知當到菩提彼菩提大遠若嫉妬諂曲我到智數數大遠寂勝者聞此經典已知當得菩提見无量壽刹作佛當不久大遠彼菩提依止有得見心若不相應我當不記彼及此長者子財聚已捨離於後出家已後者乞食家如此三摩地於先然燈所若聞好當作不復渴愛生彼剃髮出家繫縛知識利海中取麻擔而捨於珍寶聞中非決淨無戒非出家修行菩提道彼故莫放逸後時若有處說時當聽聞彼為知識故復行不讚說在前當禮拜及當與稱善如是以衣散復行不讚說泣淚灑作已奉施於自身彼復在衆中而說其惡行不愛阿遮梨不重近誦者為少而相破以家相嫉惡唯信他福德

自德不思惟當生猛毒惡知他當供養華香及末香幢蓋幡勝等鼓樂供養我當言得菩提此我實供養聞此勝定已當捨知識利修行則相應何供養色身諸聚我已捨應供養法身亦如善實供愛命捨離已常宿阿蘭拏念此修多羅當盡於命世喜王我告汝修行此已聞史莫共彼輩諂曲作伴黨於中我不讚在衆中當言此實此不實於中莫欲信不於境界所有欲佛菩提所有彼諸行彼菩提大遠我所有神通此見大體力諸此有禁戒修行我得已愛戒作分者衆中似野獸已捨知識利獨宿阿蘭拏我无有是處我不說無實久後末世時此經付囑汝无量壽放光及不動法王六十三億佛衆會皆已見教師皆付彼久後令護法如此經智印我普持在後三千即震動諸天稱善言多有華雨落聞此付囑故

觀衆諸法行經卷第二

辛丑歲高麗國大藏都監奉
勅雕造

觀察諸法行經卷第三

三

隋天竺三藏闍維多譯

先世勤相應品第三

尔時喜王菩薩摩訶薩共三十千菩薩聞如此等久後末世五十年正法破滅滅出身分動毛豎腋汗即起於座一肩整理上衣右膝著地向佛合掌共一咽喉而白佛言世尊我等於久後末世五十年正法沒時彼中大厄至時各各破時諸法者遍切時遍智滅時白法散時空無命時正法教破滅時謗正法時少智言語現時共住雜話滿時惡求活命時各各行不讚譽時摩羅嚴仗熾盛時彼中轉大逼惱時世尊我等捨自身命及棄諸知識樂如犀牛行若林若小林中難諸受著於如此等修多羅所取如來智到大法體智藏種性不顛倒行所印攝受無量善根陀羅尼經所印破諸外論順覺遍智攝受正法示現諸衆生樂我等皆當寫讀持說世尊我等堪忍住泥羅耶為此三摩地寶故我

等亦復不捨如來法僧及不捨无上正覺尔時彼諸菩薩摩訶薩喜王為首一意一聲於佛及諸天等世前無上大法師子吼說已說此歌頌

應知我等心 如我欲求覺 無有異證明 唯除大天上

自然已知我等心 如我欲求勝佛智 我三有中元異證 如勝衆德到岸者 身命已棄捨 無餘兩足上 持此三摩地 於後大怖時

於身不受及離命 諸親利樂捨无餘 行此無塵三摩地 後時中難有大惡 若劫无邊不可量 住泥羅耶惡苦畏 持此無塵三摩地 我當堪忍恒時中 如是苦惱无有邊 住泥羅耶困無護 持此無塵三摩地 我當堪忍惡苦 於中我堪忍 不動牢精進 我請諸衆生 法施不求物 親利衆生利 供具諸所有 名聞及讚毀 我已忍捨離 我請諸衆生 實法不求物 我當廣說法 衆生法足飽 清淨既已有 當行菩提行 當作廣義利 為憐愍衆生 皮肉及以骨 髓血皆枯燥 我當不懈怠 以見苦衆生 皮肉與薄皮

及血我今燥 我今破此身 不生小精進 見此衆生苦 病觸大畏中 當今度苦海 陸處安无畏 我住阿蘭拏 捨離諸愛已 慈想已遍滿 與樂令无熱 閑林阿蘭拏 少聲我住止 捨離諸雜言 不共彼為愛

我當有慈意 與諸衆生樂 甘露勝樂與 病斷得樂性 彼所不順學 若彼離如言 我當修行住 如此經中說 我等不復被 順學其所行 若彼凡非行 不實難如道 我等當常住 實語自境中 如此經中說 我當有彼意 我當不放逸 如佛陀所知 於衆生與力 於中我前行

我當常有不放逸 如勝者知遍智見 諸衆生中我與力 我當前行佛智中 我當降伏大聚 若當食毒食 不為知識供 不說佛菩提

我為法故墮火中 食於毒食我入苦 不復繫縛知識利 无上菩提不應說 摩羅若无量 作尋於我邊 已捨諸摩羅 當作世支帝

摩羅百千不可量 於中彼為我作母 我皆已離无煩惱 無上支帝世當生 又於中喜王菩薩摩訶薩以師子吼

說時此三千大千世界六種振動大光遍世諸衆皆以散華奉散上虛空中非一諸天乃有俱致由多百千出聲稱善復作无量無數俱致由多百千音樂說如是言此喜王菩薩摩訶薩不久向菩提場當作如來師子吼說如來吼諸天世前亦時世尊於喜王菩薩摩訶薩所與稱善言甚善甚善喜王汝能攝受正法說此無上大師子吼如汝已於恒伽河沙等佛世尊邊如是師子吼說喜王善聽善聽正念作意當為汝說所有菩薩摩訶薩攝受正法所生福聚喜王我今為汝作辟以此辟故於中有一智者丈夫知所說義喜王如彼東方分中恒伽河沙等佛刹如是南西北方及下上方分中如是十方及不正方中恒伽河沙等佛刹彼等皆作一城垣牆圍繞然其牆量至有頂際彼乃至余許大縱廣大城募普子滿失頭繫住不際今平時有異丈夫出生以分別故若彼諸募普子右手取已擲於上空所擲無間彼大募普子來

觀衆諸法行經第三卷 第四

乃至彼時如是風吹彼大募普子聚動散破已擲至十方一刹中一一募普子墮終無有二乃至所有大募普子聚諸佛刹中一一募普子墮喜王於意云何彼佛刹數能得方便知邊際不答言不念婆伽婆不念修伽多唯有如未還如是知佛言喜王若復有信解施菩薩乃至無量無數復不可數佛刹以七寶滿作已而用施與若有其餘尊重正法菩薩攝受正法乃至一日夜中堪忍為令正法久住故此如是於彼過多福生何以故喜王於一如來所攝受正法已即於過去未來現在佛世尊所而得攝受正法喜王諸寶捨時共漏共取喜王又法施時無漏元取諸苦轉滅喜王彼故汝等當信解法施莫信解世財汝等應以法供養供養於我莫以世財供養以法恭敬恭敬於我莫以財物恭敬何以故喜王諸佛世尊菩提從法而出不由財出今時喜王菩薩摩訶薩而白佛言世尊我等亦當尊重正法不尊重財何以故世尊必以法

觀衆諸法行經第三卷 第五

故菩薩摩訶薩證覺阿耨多羅三藐三菩提不以財物又財令煩惱長故法今煩惱盡故而轉佛於喜王菩薩摩訶薩所與稱善言甚善甚善喜王善說此言法今煩惱滅故而轉又喜王善聽善聽正念作意當為汝說如先菩薩摩訶薩攝受正法勤與相應不惜身命捨離諸樂及以知識財利恭敬而於正法攝受喜王菩薩摩訶薩言如是世尊我甚樂聞佛言喜王於先過去世時不可數劫復過無數无量廣不可量不可思惟於彼時節有佛名廣淨厚金普無疑光威王如來出世應正遍知明行具足善逝世解無上調御丈夫天人教師佛婆伽婆又喜王彼廣淨厚金普無疑光威王如來應正遍知壽量無量及有无边功德莊嚴佛刹及有七十俱致百千聲聞眷屬圍繞并无量菩薩衆悉已出無邊行順入法界喜王如是彼世尊廣淨厚金普無疑光威王如來過去滅已於久後時正法沒時有說法者名無邊寶振聲淨行聚其說法

觀衆諸法行經第三卷 第六

音盡到行處得五通智惣持自在不
斷辯才頓入法行彼入村城坊邑王
都而為衆生說法所謂亦說此史定
觀察諸法行三摩地_道為發起彼隨
次第建立六十俱致_道由多百千衆
生於天上正覺於彼時中多以丘出
似下入道_道著富伽羅彼等不用此
三摩地亦不能忍彼以妬怪所纏於
彼說法者比丘所謂王治境諸處村
城坊邑王都不聽知不令入不共言
不比數喜王亦時彼說法者被驅出
村無怯避心无小劣心無瞋動心无
厚濁心無雜汙心唯於正法如是順
護不惜身命捨諸財利恭敬已有大
林王其名二生<sub>二生者身也初生即一生
也後生即二生也凡生
者皆應二生以爲生</sub>振聲散華而往
趣彼到已入坐共三十千俱致菩薩
彼於彼林王中遊行其四大王身天
乃至色究竟天為聞法故來詣其所
彼於大天衆中說法彼邊三踰聞那
百千天人滿中顯現於彼林王中為
四大王身天衆如是如是說法今九
十百千天不退轉阿耨多羅三藐三

觀察諸法行經第三卷 第七次 誦

菩提及無量百千天子證見道智彼
所四大王入三十三天主及梵天婆
訶主勤來給侍隨其所為若彼說法
者給侍亦有三十千俱致菩薩喜王
於彼時節有王名多人无憂普欲喜
音出閻浮洲法王以法於四洲中自
在轉輪七寶具足喜王又彼多人無
憂普欲喜音王滿足千子然志化生
加跌中出正念不失內宮婦女八十
四千皆有梵行又彼多人无憂普欲
喜音王常順梵行常入正定喜王亦
時無邊功德寶振聲淨行聚說法者
知彼王心已於先世相應成就決定
發行阿耨多羅三藐三菩提彼於寂
靜夜中變化自身作摩耶婆像入月
輪中彼王在殿諸內宮圍繞時從彼
林王昇虛空中猶如鴈王而无所著
詣彼多人無憂普欲喜音王所已出
月輪中作梵色像於彼王前空中而
住普遍宮殿作光明已即為彼王而
說歌頌
莫非法人地主名聞稱譽必不增
以非法行不得樂現在無樂人中主

觀察諸法行經第三卷 第八次 誦

地主汝先亦法行四洲自在利今得
護法種性无令斷人主順護於法行
於正法眼應順護正法護已樂歡喜
多比丘出無禁行誹謗善逝及菩提
我等發行佛菩提如是衆生及見捨
若為此等行行時如是衆生墮惡趣
此閻浮洲有比丘無邊聚地振聲者
觀察於義說正定无我無命富伽羅
彼說此寂三摩地比丘諸世而駭遣
振聲淨妙林王中於中宿住善護法
彼住彼林善喜樂色究竟等天慈來
彼說此寂三摩地多天俱致發行道
王像若沒何處欲聞功德海三摩地
及為衆生多作利今應誦彼說法者
如來出生甚難得說正法友復甚難
求法衆生常寂難護法人主寂難得
此閻浮洲汝自在攝受正法汝應為
常與無畏說法者如是說法城中到
若我所言王當作當來多利必恒得
及為衆生當作利復當得攝佛菩提
喜王如是彼說法者於彼王所覺察
作已如是還虛空道入於月輪復詣
彼林王所彼王聞此覺察已歡喜踊

觀察諸法行經第三卷 第八次 誦

躍愛悅滿意善意更生彼夜過已共滿千子及四分力衆并餘大多人衆詣彼二生振聲散華大林王到已向彼說法者所於彼時分彼說法者為彼大天衆及菩薩摩訶薩廣說此三摩地余時彼王及子與人圍繞共見彼說法者及菩薩摩訶薩即得大愛淨信歡喜彼等以淨信心頂礼彼說法者足及頂礼彼菩薩摩訶薩足已於一邊坐彼隨坐已彼說法者為說此三摩地彼聞此三摩地已得大躍躍愛悅淨信余時彼王即得此三摩地及彼大多人衆中八十四千衆生皆發無上正覺之心及彼千子皆亦順得不斷辯才喜王如是多人无憂普欲喜音王歡喜踊躍遍滿其意即起於座以得无價二衣奉覆彼比丘說法者王諸所有皆以與之及施無畏蘇息乃至盡壽給侍隨其所為請與衣食作如是言比丘汝宜下入村城坊邑王都我為侍者令諸衆生當得此智喜王彼王如是語已頂礼彼說法者及眷屬足已出還本宮喜王

觀衆諸法行經第三卷 第一張 四

余時無造功德實振聲淨行衆說法者從彼林王中起出已入於村城坊邑王都中發起為衆生等說法彼王於諸人處宣教勅云莫有一人於此比丘不愛念不意意不敬重不比數彼王千子隨彼說法者後相續擁護為於法利及餘三十千人王子眷屬亦為彼菩薩摩訶薩而作給侍隨其所為令解諸樂行故喜王如是彼說法者為成熟衆生故自身命量持經半劫彼今无量衆生於三衆中皆已成熟彼王及子并衆眷屬若彼王子給使作彼菩薩給使者於中皆已發菩提心彼以聞此三摩地喜根前行故皆共於八十劫中承事六十頻婆羅諸佛世尊諸處皆聞此三摩地如其所欲攝取佛刹於中或有到菩提者或有現行菩薩行者為成熟衆生故喜王如彼時節中有說法者名元耶莫如是見何以故無量壽如來是彼時節中說法也又喜王如彼時節中有王名多人無憂普欲喜音汝謂

觀衆諸法行經第三卷 第一張 四

異耶莫如是見何以故不動如來是也又喜王彼時節中彼王千子汝謂異耶莫如是見何以故此賢劫中菩薩摩訶薩若於賢大劫中千佛當出是也又喜王彼時節中彼无邊功德實振聲淨行衆說法者所有彼三千菩薩朋友隨彼後後相續圍繞汝意疑謂異耶莫如是見何以故彼諸菩薩摩訶薩於一劫中證覺无上正覺喜王如是攝受正法勤與相應菩薩摩訶薩為無量無數衆生而作義利及速得此三摩地喜王彼故若我現前若我滅度此三摩地應當受持讀說思惟為他廣演速當破摩羅軍余時世尊欲令此義過量高出即復說此歌頌

觀衆諸法行經第三卷 第十張 四

於諸衆生若與樂千那由多不思歲不得此福德量若此心生菩提因所有衆生十方中彼等皆成勝獨當千俱致劫供養彼淨心以樂常與之若此菩提生欲已云我當得二足上此三摩地持一頌此於彼福勝有餘彼諸衆生得佛世千俱致劫供養彼

彼亦不得喻此福 若一心生勝菩提
若於佛法守護者 此三摩地四句頌
非菩提心今許福 如彼守護正法者
此世界中衆生等 若有化彼以菩提
於不受道者聞已 不生恐怖此福勝
若有菩薩行施與 如恒如沙俱致劫
以諸珍寶滿於刹 亦不聞此三摩地
如是若有聞此定 四句歌頌智者持
過多取於福德聚 非多億劫而施與
若護菩提勝者可 此不可思慮塵定
不可以言皆具說 若彼有攝攝取者
於死時中見多佛 彼所有念未曾忘
於中所欲行刹土 此三摩地應書持
身所有樂如心樂 得生天上會聖者
當生未曾得苦惱 三摩地王隨喜故
千那由多所入門 無邊光明勝者許
我已住於勝力說 要由此定得菩提
如持持門得辯才 得三摩地如神足
智所得者聖无流 若演說此三摩地
智者所生諸刹中 彼當現前見諸佛
及聞彼法并受持 由於此定誦習轉
若得端正不少根 三十二種百福相
衆生見已得踊躍 由於此定誦習轉

觀衆諸法行經第三卷 第十三章

智者美音悅意言 具六十分音片到
攝取佛音淨衆生 由聞此定讚言善
彼當得慧而善利 彼亦得智而無濁
彼又知諸衆生心 若持此寂三摩地
元有一聲所入門 彼於其中不生辨
於諸聲中得善巧 由誦無塵三摩地
得不小心不著怖 又得歡喜生踊躍
彼所喜樂未曾減 由廣說此三摩地
我今所見如到手 汝等今應作正心
汝等是子順我教 發行此定當心得
此有今許我能說 汝等淨心行相應
至我今住應勤作 莫於後時當熱惱
說諸法無邊行三摩地中攝受正
法讚歎先世勤行處品分第二竟
觀衆諸法行經授記品第三之一
尔時喜王菩薩摩訶薩白佛言 希有
婆伽婆 取善希有修伽多乃至如來
此攝受正法菩薩摩訶薩所有功德
稱說讚歎世尊何法具足菩薩得此
三摩地 佛言 喜王 一法具足菩薩得
此三摩地 何者 為一喜王於中菩薩
牢固捨願住阿耨多羅三藐三菩提
中 彼所有破壞若對前調弄若向
他毀訾若違諍若瞋罵若訶責彼於

觀衆諸法行經第三卷 第十四章

其中無念无嫌無結恨生於上觀察
自心而住我發菩提心時無人請我
若天若龍若夜叉阿修羅伽留荼捷
閼婆緊那羅摩睺羅伽及非人非非
人亦不有一世間他人請我唯我自
心思惟生阿耨多羅三藐三菩提心
然我彼心生時諸佛皆知我今不應
如此若我為他自在所破若他對前
調弄若瞋罵若訶責若輕欺若戲學
若害言若打欲令恐怖捨於菩提或
捨衆生若復我作小意或聲聞心或
獨覺心生我則欺誑諸佛世尊若此
心生菩提我今須住牢緊捨願彼心
生時終不放捨乃至未生菩提場喜
王此是一法具足菩薩得此三摩地
尔時世尊欲令此義過量普明即復
說此歌頌
智者常生牢固增 為求無上大菩提
我於中間不疲乏 以不疲心行菩提
若被調弄及違諍 瞋罵訶責不供養
自心如是順安慰 於中無有瞋破生
若我菩提心生時 非天龍等而請我
諸衆生中我生悲 生心緣於菩提故

觀衆諸法行經第三卷 第十五章

若復我今作小意 我則欺詐諸世尊
我當牢進不作疲 守護搶頭而作佛

如是行者大名稱 此三摩地有現前
根本住立菩提心 行法菩提不難得

喜王又別二法具足菩薩得此三摩
地何者為二如言如作諸白法行取

而不默喜王於中何者如言如作此
菩薩聞有菩薩行聞有佛法普滿彼

則取此而作我亦行此菩薩行已因
此當覺無上佛法彼如所言即取而

作如行成就所行清淨此是如言如
作云何諸善行中不默此菩薩作是

念遍智無量如是衆生無量我作義
利彼不可以少善根少行於無量遍

智而得普滿為無量衆生而作義利
彼若發起如是善時彼諸無量迴向

而以迴向當如大海求聞不默喜王
此是二法具足菩薩得此三摩地於

中又說此言
如言即如作 彼无不如言 彼亦不言說

若有別異此
彼菩薩者如言說 如是相行聞已行

智者如說即如作 彼得此定佛功德

不默足白法 彼等无有默 彼無量菩提
無量功德性

又不默足於白法 意常不足猶如海
无量無邊衆生界 不可小意而默足

如所言說即如作 又不默法於法求
於此二法順學時 彼得此定佛功德

喜王又別三法具足菩薩得此三摩
地何者為三此菩薩三種禁戒成就

何者為三彼謂身語意戒又无三種
煩惱燒熱何者為三彼謂貪欲燒熱

瞋惡燒熱愚癡燒熱及三界中不依
而行梵行此三法具足菩薩得此三

摩地於中又說此言
禁閉三種處 身語及意等 已寂三煩惱

不依三界中
禁閉身語及意等 三種煩惱意復寂

及三界中不作依 彼故速得三摩地
喜王又別四法具足菩薩得此三摩

地何者為四彼謂知因生法知彼因
已及知因生法已即捨其因及不著

因生法彼如是知具足菩薩不見有
一法非因生者彼如是念若彼法因

緣生者彼空本性不生又彼如是智

具足已不起無明今滅无明故為衆
生說法不起諸行今知諸行故為衆

生說法如是乃至不起老死今起老
死故為衆生說法喜王此四法具足

菩薩得此三摩地於中又說此言
既知於因緣 亦知因生者 彼則无有見

如斷及以常 及因亦普知 若相若自體
若法屬於因 於中智不著 因緣所生者

若有實是空 於中若智轉 彼得三摩地
普知无明已 諸行則不生 如知亦如說

利益衆生故 若有此四法 菩薩諸勝者
彼不難得此 佛讚三摩地

喜王又別五法具足菩薩得此三摩
地何者為五喜王彼謂菩薩知作知

合知門知行知道於中何者是作所
言作者若於諸衆生中等心捨種種

想諸衆生中以一味慈此名為作於
中何者是合若知身中報熟所作善

業迴向菩提於中不觸此名為合於
中何者是門所言門者空門及甘露

門 作梵本名云不死 於中亦不由他此
名為門於中何者是行彼謂空行獨

行如行諸法本性普淨之行此名為

行於中何者是道所謂離於我作及我所作聖正見者此名為道喜王此五法具足菩薩得此三摩地於中又說此言

等心衆生中彼等作如是亦信業報熟則合此无上

非道小法普離已求於善法不休廢皆以迴向於菩提而於菩提无所觸知於解脫門謂空及無相亦不作於願此是无上門

於諸法中有善巧於諸法中常不依獨自合於無生境我及我所彼不生智者所作合與行及道四中恒住者是合菩提不難得况復此寂三摩地喜王又別六法具足菩薩得此三摩地何者為六彼謂知眼及知眼自性然知眼已及知眼自性已於意慧色不意慧色中无有著尋到於等量此色眼根不燒如是知耳鼻舌身意及知意自性彼知意已知意自性已於意慧法不意慧法中无有著尋到於等量此法意根不燒喜王此六法具足菩薩得此三摩地於中又說此言

觀察諸法行經第三卷第三品

◎觀察諸法行經

知於眼自性非自性自性彼不尋色中若空若不淨色中到等量彼无有欲除知本性體已彼無有燒然如是耳鼻舌身及以意知彼自性已諸法中不著禁六境界中今不著於外自性智成具非欲非離欲如是智等取是菩薩勝者彼不難得此佛讚三摩地

喜王又別七法具足菩薩得此三摩地何者為七彼謂不誚故純直故欲法故求法故觀察法故開法故行法故喜王此七法具足菩薩得此三摩地於中又說此言
無有諂曲恒時直及无異言意無異如意所念如言說智者自樂復與他順法行法而住中未曾以聲為最勝如是勤合則得定疾觸无上大菩提彼有欲法大名稱求聞未曾有厭足如聞正念而觀察彼還廣說為多人喜王又別八法具足菩薩得此三摩地何者為八彼謂戒聚普淨故諸愛著遠離故常出家心故樂住寂靜處故不用諸利養故不惜身心故高大信解故於愛不愛等心故喜王此八

觀察諸法行經第三卷第三品

法具足菩薩得此三摩地於中又說此言

普淨於戒聚善淨中住止已離諸愛者勝教中出家善逝教比丘應捨於利養而求住此寂此定寂難見

若念修此最上行愛不愛中无有別攝取八法而轉行彼得此上三摩地喜王又別九法具足菩薩得此三摩地何者為九喜王彼謂此菩薩捨九瞋事起九衆生住處成就九次第定過八邪倒入八正中離八不閑證八解脫知七識住修七覺分喜王此九法具足菩薩得此三摩地於中又說此言

衆生九住處於中衆生依斷離諸見故彼无有依聞斷離八不閑已觸八解脫於七識住處以正念普知智者修念七覺分斷諸分別拔煩惱如是勤合則得定亦復疾觸勝菩提喜王又別十法具足菩薩得此三摩地何者為十彼謂捨諸所有故堪忍能直攝取無量流轉故滿足出世智故不得諸衆生而大慈故持諸所聞

觀察諸法行經第三卷第三品

以多聞故起諸施設而大悲故不用諸樂方便善巧故普念諸佛故此十善業道乃至夢中亦不忘失故說法依善提心不美異乘故喜王此十法具足菩薩得此三摩地於中又說此言捨諸所有而歡喜亦有忍語純直心俱致初行无有乏彼速得此三摩地有智慧者無煩惱有慈心者无希求攝受諸聞不忘失彼得此寂三摩地悲諸衆生不戲論諸巧方便不受樂普念諸佛正念者彼得此寂三摩地護諸十善皆清淨乃至夢中不曾失心念到於菩提行未曾羨慕小乘中若有如此法最勝於諸佛法不難得速得破壞魔羅衆當觸取勝淨菩提又此法本世尊說時七十一衆生速塵離垢法中法眼清淨七千衆生皆發无上正覺之心皆與不退轉記三十千菩薩無生法中得忍彼於後時欲護法城无量衆生善根成就此三千大千世界六種震動大光遍世三惡寂止諸衆生前皆見如來世尊從身復放光明以此光故无量無數世

觀衆諸法行經第三卷 第三十卷

界大光遍滿彼等衆生光到身已彼皆於佛隨順正念與樂相應去離熱惱彼世尊光於十方中無邊莊嚴莊嚴非一百千種色俱致那由多百千華蓮華出生諸處蓮華中有似世尊者如牟尼如來像然彼似如來像彼蓮華中端坐顯現彼諸處蓮華中蓮華臺上有似喜王菩薩摩訶薩右膝位於蓮華臺已亦如是問此三摩地彼諸如來亦如是廣說此三摩地一一如來覺悟成熟無量俱致那由多百千衆生

此佛土有處去耶於坐動耶汝亦有處去耶答言不也婆伽婆不也修伽多佛言喜王以是因緣應知諸法皆如生作住相分別起出無來无去如所欲如所作以無主者故應見彼等皆空分離喜王是故汝於諸法應當信解見如焰夢影響水月電泡汝等應如是學何以故深深信解菩薩當得此三摩地

觀衆諸法行經卷第三

辛丑歲高麗國大藏都監奉
勅雕造

觀衆諸法行經第三卷 第三十卷

尔時世尊告喜王菩薩摩訶薩言喜王汝見普十方中似如是無量元數如來蓮華中坐及似喜王菩薩摩訶薩者不答言我見婆伽婆我見修伽多而我不知數量佛言喜王能取恒河沙等數量而不能知彼等諸佛世尊數量所有如是諸佛世尊汝所見者也如是彼等似汝菩薩摩訶薩亦復不能知其數量

觀衆諸法行經第三卷 第三十卷

觀察諸法行經卷第四

器

授記品第三之二

隋三藏闍梨多譯

於中世尊又告喜王菩薩摩訶薩言
喜王若復菩薩依我衆生恒如河沙
等劫施與護戒念忍發進入定修習
若復菩薩信解諸法無我此過多彼
福德聚生及速證覺无上正覺何以
故喜王昔過去世不可數劫復過無
數廣不可量無量不可思彼迦羅彼
三摩耶有名寶光威輪王如來出世
應正遍知明行具足善逝世間解无
上調御丈夫天人教師佛婆伽婆世
界名有寶劫名應往又喜王彼迦羅
彼三摩耶彼世尊寶光威輪王如來
有寶世界富滿豐足甚可喜樂多人
難開平如手掌无有元礫多饒金銀
如觸迦真隣泥迦衣八道交連純青
鞞琉璃夜及有閻浮那多金體蓮華
大地分中自然出生量如車輪香色
妙好彼世界寬廣有六十四俱致百
千洲一一四洲中有六十四俱致百

千城彼諸大城普廣三十二踰闍那
皆有七寶垣牆有多俱致那由多百
千衆生所住一大城有十二千村
成坊邑圍繞彼諸大城一一有五百
受用園種種諸華果香寶樹圍繞莊
嚴彼諸園中一一有三十二華池八
分具足水普滿其中金沙布散寶欄
圍繞鞞琉璃夜別以間錯及有寶體
優波羅波頭摩究牟陀奔荼利華而
二其中彼優波羅波頭摩究牟陀奔
荼利中鵝鴈鳩鵲孔雀鴛鴦迦羅類
迦命命鳥衆住已各各出音喜王彼
迦羅彼三摩耶彼世尊寶光威輪王
如來有園名愛見彼中世尊所遊王
所治處名為有月依止而住共七十
二俱致聲聞八十四俱致菩薩皆不
退轉喜王有月王所治處有七十二
俱致衆生所住彼諸處中八道相通
又喜王有月王所治處廣六十四踰
闍那七重垣牆七寶欄楯種種諸寶
門柱及行列多羅樹普掛鈴網又喜
王彼迦羅彼三摩耶彼中有月王所
治處有王名寶月於四千洲中轉輪

觀察諸法行經卷第四之三

自在為法行法王又喜王彼寶月王
於彼有月王所治處造立宮舍七寶
所成普廣四踰闍那七重垣牆乃至
七寶鈴網懸掛圍繞及摩尼網以覆
其上彼宮舍中四方有四大園一名
雜畫車二名常開華三名意見四名
正行樂彼大園中有種種樹生彼謂
寶樹華樹香樹果樹瓔珞樹衣樹音
樂樹宮沙樹月上樹日上炎樹彼大
園中一一有四大華池栴檀那水普
滿其中寶欄周匝閻浮那多金沙布
散諸寶優波羅波頭摩究牟陀奔荼
利華以覆其上鵝鴈和鳴又喜王彼
寶月王有四十二十婦女類如諸天
童女於中有一寂大天婦謂名有福其
色明顯過於諸天又喜王彼寶月王
有十二千子形色勝妙見者信愛最
上淨色圓滿具足有二十八丈夫相
普莊嚴身喜王時寶月王出詣意喜
見園中遊戲行樂寂大天婦名有福
者懷中忽有小兒化生如跌而住形
色勝妙見者信愛有二十八丈夫夫
相具足彼於生時如是說言諸行无

觀察諸法行經卷第四之三

常無住无有安止顛倒向法彼順相續說此如他

諸行無常无安止無住无牢倒向法凡小念此為常安以欲放逸無正念諸天及人隨有欲皆是无常盡法體於欲未曾有厭足無牢欲若是苦根有名實光人中上彼說无垢無為法諸根於中寂無餘及菩提樂聖无漏尊今聽我此言語如來出生好難得宜共往詣善逝遠天勝於天光明行喜王尔時寶月王向彼童子復說如他汝是天龍夜叉神童子為我說此義汝生即說如是語於佛法所讚歎言汝何處死此間來汝名何等向我說光明皆遍此國中勝德威神汝顯照童子報言

東方有於丈夫上修迷留聚導師名我於彼死此間來欲見法王寶光者我名法上如是知我今發行勝佛智尊若復欲聽聞法宜共往詣善逝遠喜王尔時寶月王共法上童子并諸婦女與諸王子及餘多人衆圍繞在前詣愛見園向彼世尊寶光威輪

王如來應正遍知所到已頂礼佛足三匝右繞一邊退住彼多人衆亦頂礼彼世尊寶光威輪王如來應正遍知足已一邊退住法上童子礼彼世尊足已口為其足說如此言世尊修迷留聚如來致問世尊少病少惱起居輕利氣力樂觸行不法上童子說已於彼世尊寶光威輪王如來前住已向彼世尊而說如他

思議應供無上尊最勝演說无諍行度脫无量多衆生人主在座我今礼此三千界作教王世尊能以法寶施為他廣說法藏寶破摩羅王羅刹軍衆中如月光普照廣說行渡彼岸道教師五根及五力五眼善逝我歸命教師離諸煩惱盡行此地中轉輪王除却三垢猶如眼世間離垢眼普淨摩睺羅伽衆生人無有不向上上者取勝無高亦无下我今敬礼諸世親得與不得平等行諸相華開丈夫目不染世法如蓮華世親能令愛枝斷具足善調心已伏施戒平等心无瞋難伏衆生多已調伏心善逝人中月

觀衆諸法行經卷第四 第五品

言語軟美善順意說時能動於三千天龍脩羅及人等彼各念此為我說無衆生性此是空无有於相願亦離尊說此中無處去亦无有來及無死法界不動无住處前際後際皆不著於其中間如虛空尊說此法無思念世尊常說於實際此中諸世迷乱轉如盲煩惱瞋恚滿彼等作念我及人此法似如幻與雲眼所見者空不動若有得此勝妙忍彼等教師常隨逐猶如種種畫虛空無處无有一處住如是處住覺自然故彼無有一處似諸聲聽時無有實亦不可見无住處若聞若說亦復然彼等本性空不動勝者法體相亦無當見如幻所示現若見如體无分別當見善逝亦如是諸土平等土非土諸佛平等佛功德諸法平等法空寂諸衆生等無衆生不盡盡沒於盡中不盡盡没无盡中其盡不盡盡不盡此忍如是常隨順分別分別起分別諸法亦復无處起若所起者常不起此忍如是常隨順見見常无有見體若見不如如是觀

觀衆諸法行經卷第四 第六品

若其此等法空虛 此忍如是常隨順
未曾有能知前際 實際取勝以不知
若知於際常無際 彼之前際則隨斷
於邊無邊中不依 此岸彼岸常不住
若三有中无住處 彼則住於實際中
若其住於實際中 彼三有中无住處
若三有中無住處 彼則常住實際中
若色似如水聚沫 知受亦如得濕等
想念猶如於陽焰 若知則住實際中
諸聚非固是有為 若知似於芭蕉等
知意與彼幻相似 彼聚聚者則已滅
若於慈悲善修念 於自及他无依止
修念取上清淨行 彼當作佛如淨天
若離普廣諸煩惱 彼則未曾有取者
捨諸所有無不捨 彼施善逝所讚歎
若身似如水中月 知語言道如山響
知心亦如空中電 彼戒殊勝三有中
若於忍調到彼岸 彼意外事不能損
能知六根如空村 彼忍善逝所讚歎
若樂閑獨无所畏 明智數行境界所
身心寂靜純直行 彼進殊勝三有中
若人煩惱本性滅 空無分別寂智者
若三有中想不轉 彼定善逝所讚歎

觀察諸法行經卷

第七

若知此中無有人 彼於上智則當得
應離戲論而寂靜 彼智殊勝三有中
若於有中无疲倦 俱致劫中行時苦
未曾羨慕下劣乘 彼摩羅衆皆恐怖
如於海中取滴水 我說取勝余許德
佛法寬廣无有邊 未曾得於彼邊際
喜王余時法上童子於彼世尊實光
威輪王如來前說此如他時遍諸三
千大千世界六種震動百千俱致鄰
由多音樂同時鼓作及雨諸香華鬘
塗香末香八千菩薩皆於无生法中
忍生其王寶月與諸婦女及諸童子
并彼大衆皆發无上正覺之心喜王
余時法上童子向彼世尊實光威輪
王如來如是白言世尊何等三摩地
令菩薩摩訶薩當得攝取諸法故當
得攝取佛土功德莊嚴故當得滿足
聲聞菩薩衆故當得无上受用資財
故當得超諸魔羅諸煩惱惡故當得
滿足正念正意正趣慙愧住持智慧
故當得攝取諸所聞故當得滿足五
通勝智故當得无著樂說慈持故當
得滿足辯才故當得滿足六波羅蜜

觀察諸法行經卷

第八

三

故當得滿足生家種姓形色受用故
當得悅意言音作業故當得滿足諸
功德故當得善知入起諸定解脫三
摩地故當得滿足諸種功德智故未
得普智恒作佛事為衆生故而住其
前如是語已彼世尊實光威輪王如
來向彼法上童子如是告言童子善
聽善聽善作意念當為演說若三摩
地具足菩薩摩訶薩當得此及其餘
无量無數不可量勝功德亦當速疾
向菩提場童子有三摩地名說決定
觀察諸法行若得三摩地已菩薩摩
訶薩起諸魔羅境界當速證覺無上
正覺時彼如來為彼童子以如他音
廣說此三摩地
如言如所作 作已不妄說 身口意清淨
利益有慈心 於悲不忘失 及默諸欲行
為法常樂求 捨智亦不捨 善巧言辭中
下入衆生智 不惜於身業 身中亦不貪
當離慮慮語 於心不戲論 給濟苦衆生
常覺放逸者 勤者教相應 悔者令散出
不住衆生想 得善寶等九少句
遠離於攀取 諸相亦當滅 不動所受中

觀察諸法行經卷

第九

常當求智慧 遠離世言語 當求於出世
正念不忘失 順念於諸法 如是當善巧
所作行具足 及順世間行 應當信業報
遠離不信心 應當信諸佛 彼等宜順念
常應說罪過 福聚當隨喜 及勸請諸佛
禮拜復迴向 當降伏憍慢 作善無厭足
亦常勤相應 數作莫放捨 成就正修行
當知所作因 莫逐施設名 被訶勿起恚
莫著於言語 勿念此為實 不求住欲界
色無色諸種 如業所受報 應當信彼果
分施所用物 於教不毀傷 等心於衆生
一人亦不害 勤懈並勿瞋 莫妬他所得
當滿心所欲 如法護持願 於戒莫捨離
憍慢當滅除 背轉瞋恚過 愚癡亦拔斷
貪欲不發行 隨得便知足 捨離諸親知
無利心不下 得利亦不高 唯喜得法利
常作平等分 當離於藏積 所聞惡言辭
忍故能含笑 常護於言語 當說善提乘
常勤勤相應 恒近精勤者 常應問智者
增修細正定 莫捨空閑宿 住少欲頭多
應當信解空 於事无瞞者 聚中不依止
界中亦不貪 不見得內我 不愛著境界
滅諸顛倒意 於心常住持 應當生智慧

常行正行業 其心不怯小 當念淨福田
諸行當放捨 施已無求望 亦不念持戒
於忍莫分別 不發起精進 定中亦不依
不忘失諸法 常應覺智慧
應當入諸波羅蜜 自功德中未曾念
聞他功德不瞋忌 有為無為心平等
恒時攀緣於涅槃 常於有為當遠離
解脫安隱恒時知 聚中想似於寂者
於涅槃處常生愛 恒時住於和忍中
笑面莫為頻威顏 見於他人先問訊
於老宿中慈尊重 及心智慧常善續
於他亦未曾譴罰 諸有聞諍令寂靜
於寂靜所常談議 等和衆生常教合
愛不愛中心常等 常當求於慈持門
如母愛於諸衆生 如父愛於諸聖衆
愛所尊重如近誦 受於菩薩如佛陀
愛法亦如愛自身 及求所聞元歌足
既聞法已正修行 亦常供養於如來
於勝上法當信解 無著怯心无懈怠
常當供養於三寶 常當堪忍不邪言
常不受惡於自身 壽命亦復不貪惜
清淨活命常七食 不捨頭多常次第
宿住空閑未曾離 當捨徒衆遠復遠

莫樂共住在家者 莫作雜亂出家人
莫愛莫詐先善言 教化多人入佛智
說法時心無怯小 方便善入觀知他
於佛數數作意念 及常思法不放逸
亦於僧所常尊重 及於智者常供養
亦常親近巧便智 常作無諍於定者
於精勤者助好心 亦念修法信福事
教化衆生令作善 信者當愛心无曲
若觸苦事能開散 常依時行捨非時
常行忍畏及著耻 彼罪惡中生慚怖
諸不正行遠離已 得正行者常親承
守護於戒為解脫 亦復當求於聖行
常當念修四念處 亦常親近四正斷
及當成就如意足 亦當出生於諸根
應當求力亦如定 於七覺分常觀察
常當修行八分道 亦求聚集舍摩他
毗撥舍邨常生諦 心所隨喜而觀察
法中歡喜復生喜 亦當超越諸攀緣
聞無住處不驚怖 不可得慶莫放逸
常當求望菩提行 佛行當作信稱量
應當厭棄境界行 先作行中亦當捨
自業清淨莫說他 律行不破恒時作
善學禁戒別解脫 常依時行捨非時

巧能籌量應來去 好物知量自禁止
及於聖種皆知足 亦復求入勝智通
三摩地中當攀緣 及於定行教知入
當入衆生心所欲 隨如導師所說言
亦應攝取無我說 若勤合者令歡喜
如取勝體所念修 常當念此三摩地
聲聞正行聞已信 於獨覺道當順學
諸佛種性破魔羅 常當求此三摩地
發行勝覺由於施 不退轉者佛所行
多俱致劫智者行 是聞海者法行處
此境界法尊重者 若當信解是實財
此示現佛所住履 於此法藏求實者
於此田中彼求果 煩惱熱者意園中
樂持法者此為苑 彼愛見者三摩地
欲求白法此母生 有所欲得无依者
勝妙諸相當繫取 隨相諸好亦布置
國土莊嚴此安住 此亦當得諸聞持
種種所出此順覺 清淨言說實聲語
亦能超越魔羅境 攝取久遠者鎧甲
殺害煩惱調伏依 此亦摧破諸不善
欲得諸善令熾盛 欲得求願作莊嚴
衆多魔羅不破斯 此於說時亦無盡
此求與等諸世間 外道論師不正說

觀察諸法行經第四卷 第三十

此能超過聲聞法 獨覺勝者此為緣
一切智智此住持 衆生所趣亦此住
此能如實教誨他 此選時中善友語
無垢根者此天眼 及於法眼普欲求
求說法者此然炬 求真捨者此誠諦
求財施者此為捨 求脫見者此勤合
求喜定者此淨信 欲聞法海此正行
求迷留定此為力 欲求法道彼等主
為欲淨妙莊嚴者 自心調依彼是梵
方便求法此喜心 及不退者此所行
此是言說行所趣 常念智慧利根者
此是初業方便事 丈夫牛王彼智懂
欲求勝者彼等弓 求无我者鄰羅夜
若向普智此為路 求善脫者戒平等
此為天等常礼拜 此為龍等常散花
及為人等作供養 夜叉希有作讚美
百數羅漢亦作礼 菩提勝天亦稱歎
若如來等自所念 欲護根者彼等城
如法住者合方便 依止定者彼等得
諸有疑者令破散 有迷惑者悉令斷
高慢煩惱令滅除 欲渡彼岸能令渡
病纏逼者此良藥 其有病者此實治
煩惱毒前能拔出 欲合理者作思念

觀察諸法行經第四卷 第三十四

衆中无畏師子吼 於善逝所求聞法
及為涅槃常此道 能斷所有諸惡趣
於三界所等超越 求功德土此莊嚴
金剛喻定彼於此 及取後生師子座
所求福德此不失 諸所欲求此攝受
常疲乏者令渴仰 未有精進此發欲
依攀緣者令安立 別異發行遮令住
有平等體此成就 依物憍逸此棄除
倒取取物此放捨 普知諸種周遍智
求智慧者此出生 求福設會此不失
依三有者令斷願 常无有相求菩提
三世空諸法 知已而不捨 方便智時時
為諸世間作 榮耀佛種性 佛智是所由
莫求於錯失 於彼說法者 亦復莫欺陵
所見於末學 勿瞋說法者 當尊重近住
實聞當智實 莫毀謗智者 法施莫求物
說法亦勿慳 聞法共尊重 心意莫散亂
盡心為說法 若見樂欲者 莫斷法施說
勿緣於餘事 堪忍純直問 若問為解說
若惡心見者 彼中忍當作 悔及於疑惑
彼皆汝為斷 若見未得道 以道為彼說
思惟此定時 易得於佛智 諸所作諸供
於說法者邊 求八分勝道 勿緣於餘事

觀察諸法行經第四卷 第三十五

若諍競惡心難伏常令伏無依彼等足
神足若欲求念慧及行履彼等求法者
發起彼等說若發行菩提示現俱致佛
俱彼國土住說化諸衆生若彼說法者
此味是寡美若彼蘭聖行及求遊戲通
而作師子乳彼等智者行為讚於寂滅
新熱有清涼此是不墮句脫縛利益說
喜樂發於身其心亦驚喜智者遊戲智
彼求周遍智淨信是等法住不退佛智
決定為菩提白法順薰習諸惡皆當捨
煞害於黑助白法即自來彼等學戒者
若欲求福德彼等此成就若求則相應
彼等於此得身中端嚴相此行佛順知
諸聖親近已明照智智中佛智普智得
住此已當見俱致端嚴土此中彼大力
智者問於疑除斷此諸疑諸惑皆捨滅
此中生佛法勝人所讚歎捨離諸惡世
所有煩惱塗不失諸福德於福若欲求
彼等智者緣愛法為最上及喜此法眼
親近猛健人辯藏法泉流欲求巧言語
已說彼等護所有說法人及智諸因緣
愛見依倚者巧應諸法中和合不和合
智體方便分說於諸法已如是現諸法

觀衆諸法行經第四卷

第一六段 五

真實智慧惟於中斷渴網當捨諸愛著
無明於中散當得明現前於中普知數
彼所說无者智意種種心於此廣說已
攝取色與名彼等於中說觀察六根所
猶如見空村於觸知外者佛智當得見
若離三種言彼等於中取及滅三種愛
彼等於中說於中說棄捨若彼所生處
彼等斷於有於此定中說絕生與病合
及離死毒箭諸苦於中寂諸流分別者
諸憂令歡喜惡意令解散成就淨方便
若彼法行者飽足所觀察若所有求勝
瞋惡中作明若所有迷眼此中佛震
轉於法輪時健行此攝揚若彼世間智
此中普洗除若濁乱煩惱此中皆諸見
若所有我依受取及與持此中皆已說
不錯佛智中如是當得勝常增長諸法
此是巧智道白法常積聚遠離諸惡業
佛法常念修說當无慳怯莫斷佛種性
當住於彼中熾然法種性聖衆普能攝
應伏諸論師外道欲起者說法稱言善
彼等當與讚常行菩提行於彼无念心
如月諸衆生常作朋友意如日於諸法
恒持正思惟常作教師想於中思此定

觀衆諸法行經第四卷 第七段 六

此定猶如王為衆生廣說為智人導師
自法心正信成熟甘露果今念往昔生
受胎无染汗厭棄癡兒法大仙佛功德
讚時無邊者持時佛智慧善逝所說時
及智書寫時說時當得福遠離諸外道
此是不動處所說世間受諸佛之所說
過去佛功德希聖於未來現在住諸佛
此是諸寶藏令衆生入行為說聲聞乘
於智不忘失佛法此為印此出彼狂健
此實無變改及速得諸智欲問佛功德
欲法无厭足散諸煩惱大當得方便智
地界別思惟當入水界中入於火界定
風界無住處空界不迷惑示現智界中
今入於法界厭離於諸行令散諸愛染
憎惡諸有海除滅諸膩患令捨於諸法
自分別巧知亦巧知他行欲說无有盡
方便中無濁出處當順知我見應當捨
我所亦遠離染著當棄除憍慢常應伏
為食行如狗施中等无貪所食應飽滿
說已當知樂在陰莫為之大水當急渡
諸論不能破純直無繫緣遠離於瞋眠
親近說法者起過於掉戲亦應滅疑惑
及令散諸欲煩惱亦遠離不見得我處

觀衆諸法行經第四卷 第七段 七

無我令明顯 不住於命者 法亦不應觸
不聞諍法中 平等說含義 以心善思惟
諸行无所有 當親近智者 諸處無法弱
彼中當信解 在眾莫怖畏 當說他功德
自身勿高舉 遍智所行處 恒時應須行
莫愛著佳處 應去如飛鳥 莫行為利養
亦勿計我身 心亦不減劣 巧知經行處
當隨順念修 莫思亦莫憶 亦當求解脫
常應在靜地 常念修梵行 於定遠當得
慈於平等心 悲者順攝受 以喜為樂法
捨處當捨之 以戒憐愍他 以定當覺法
以智作應作 於後无悔惱 當出無盡智
亦應善巧辭 我說入語言 說處莫求利
莫樂眾雜語 是往無疲乏 不捨亦不取
諸法是菩提 莫壞滅諸法 如是說明顯
於眾生不誑 於實當歸依 應攝受正法
作願當牢固 莫羨於小乘 晝夜應勤合
為求諸法故 遍智所由來 諸佛此為庫
三摩地如海

觀察諸法行經第四卷

第十九卷

五

上正覺滿足一千眾生發無上正覺
之心無量眾生學地增長喜王汝意
彼迦羅彼三摩耶名法上童子者謂
是異乎莫作如是異見何以故汝善
家子即是彼迦羅彼三摩耶名法上
童子也善家子彼迦羅彼三摩耶名
寶月王者今慈氏菩薩摩訶薩即是
彼迦羅彼三摩耶名寶月王也若復
彼諸王子即此菩薩摩訶薩眾集會
坐者是喜王尔時彼法上菩薩摩訶
薩與父母尊長及朋友知識滿足三
十六千俱致眾生共於世尊寶光威
輪王如來教中捨家出家喜王愛樂
彼世尊教作比丘比丘尼優婆塞迦
優波斯迦者甚多尔時世尊此義知
已復欲過量顯明即於此時說此如他
我念昔多俱致劫時有寂勝名寶光
彼有僧眾亦廣多 諸漏已盡及菩薩
彼之國土淨可愛 自然莊嚴如天宮
城邑聚落園莊嚴 以華布散平如掌
彼中有王名寶月 自在王於多千洲
福慧具足是智者 無邊庫藏廣神足
彼於園林樂遊戲 天婦懷抱童子生

觀察諸法行經第四卷 第二十二卷

五

名為法上善可觀 金色勝相聚嚴飾
彼始生已說妙語 說於佛法而讚歎
及在家惡空閑德 諸欲罪過亦廣演
化彼父母及親知 智者念須令淨信
彼王歡喜而踊躍 發向寂勝大仙邊
童子不復入家內 即於彼園與其父
共諸親知及大眾 三十六億詣佛邊
彼大象王詣到已 寶光法王彼已見
增踊躍心第一愛 礼其足已坐於前
法上亦礼寂勝足 攝取十指而合掌
如是敬重彼尊已 童子歌頌於如他
彼於寂勝多讚說 導師實德諸法體
王及諸子并徒眾 緣於菩提而發心
法上諮問於世尊 說此寂靜離塵定
猛健住此三摩地 證覺菩提伏魔羅
二足上尊知請已 知童子心已淨信
即為說此難見定 大威德者歌如他
彼尊說此三摩地 諸佛菩提離塵寂
王及諸子共臣民 即住佛智不退轉
彼處多住學无學 如是已聞於寂定
復餘眾生生多俱致 緣於菩提而發心
王及諸子并徒眾 皆令厭離五欲福
彼時童子為上首 於此捨家行出家

觀察諸法行經第四卷

第二十三卷

所有愛樂於教師諸天及人皆普滿
彼善逝所眾甚多於中數量不易得
喜王汝於往昔時是彼童子名法上
若於彼中作父王今此慈氏菩薩是
彼時所有諸王子即是坐此諸會眾
眾生常在相續界知已令淨行行中
是故聞此寂定已應當受取常淨信
常為他說莫憚惜當有佛智得不難
彼福之量不易得說時多劫俱致數
若能持此勝上定為眾當說莫放逸
余時喜王菩薩摩訶薩百佛言希有
世尊此三摩地多作利益乃能與諸
菩薩諸功德法令其轉生世尊菩薩
欲得此三摩地何等法應當親近應
當念修應當多作何等法應當不親
近應當不念修應當不多作甚善世
尊有何等法无何等法婆伽婆願為
廣說修伽多願為分別菩薩何法有
何法無佛言喜王菩薩於流轉中无
有疲倦菩薩於眾生中無有老別菩
薩於資財中無有受取菩薩於施无
不平等菩薩於學無不敬重持戒無
有生處心无熱惱心无怯弱无有邪

觀大藏經行經第四卷 第三十卷

覺无不思惟而有所作於眾生中无
有殺害於他財中無有偷盜於他婦
中無有愛著无語業惡無破壞言无
有惡口無有綺語不貪他財无瞋瞋
恚无有見行稠林無有過苦提愛不
毀謗法不欺慢僧於諸尊中無不敬
重於解脫門无有恐怖於他作中無
有疲倦不自稱譽不毀訾他流轉行
中無有隨順非流轉行中无不隨順
所發誓言終不移墮於已作事終不
重毀他作知恩自作無求於无力中
無有欺毀於未學中無有輕賤不應
妻子无有愛憎於教師中無有私密
法中作師無有藏隱於諸法中无害
破想於法施中無有疲倦於求法中
无有懈厭不以利縛而有所說不以
布施而作朋友不諂承事無有兩舌
不以幻惑親近承事不惡於法无我
我所不應於身不愛於命無有我見
無有作怨實不實中无有毀謗於墮
法中無瞋發覺非少時愛不負朋友
於親付所无有欺妄實不實中不舉
墮犯不虛為證不非時違他眾生中

觀大藏經行經第四卷 第三十卷

无諍競想於發事中無有懈怠不損
於忍不報惡言不縛於怨不欺卑下
隨聲戲言無有羨慕於精妙中无有
不捨於所食中无有不分於布施時
不以惡物於婦女所無有非行於丈
夫所無有染汙正信不捨學戒不緩
无不慙愧無不著耻无有少福無有
少聞施已不悔於智不錯於三寶中
無不敬重於世諦中不為牢固於勝
義中无有入著無有見行稠林无有
我取不忘正念於正斷中無有異作
於神足中无有醉味根中不軟力中
不贏於覺分中無有不知於道无倒
三摩地中無有著相奢摩他中无有
牢住於毗捨舍都無有分別於明解
脫無有觸證於諸諦中无有障度
彼岸中无不發起聚中不著界中不
依非時不得於聲聞中無有見證
於諸菩薩無非教師於諸入中无有
意念於諸境界无有住止不以自業
而生惡趣於住胎中無有苦惱於流
轉中无有喜樂於流轉中無有苦想
諸出中無有驚怖於諸眾生无非

觀大藏經行經第四卷 第三十卷

是田無少種子於所種處終不悌望於諸福田受者無有空闕於布施中不縛限量於持戒中不縛限量忍進定智亦不縛限量流轉亦不縛限量慈不分斷大悲無偏無有家慢無資財慢無有色慢無自在慢無眷屬慢無多聞慢無持戒慢無有住空閑慢無有頭多功德少欲之慢無有慢慢無有膜癡無有隨眠受於顛倒中不以為實淨不淨中不以為二不羨生天不慕樂欲非同業者終不親近無不勤合不持世論於外道中無不悲愍於事物中無有想縛於其自身不欲求樂無有詐愛不依魔羅喜王諸菩薩摩訶薩所發誓言終不移情乃至竟苦提場喜王諸菩薩摩訶薩此等皆無自餘所有不得作者應當莫作於中何者有可作法喜王諸菩薩當不毀謗菩薩不毀謗他自得安定諸作事中不動不緩當負重擔於黑事中當不隨作於白事中當作利益少分行中當作起過无量行中亦當已入愛潤事中當作遠離於法量中當

觀察諸法行經

第三十五卷

經

不遠離於生死苦當得解脫於諸生中思惟故生當不解脫不善業中當不攝取於諸善根當作攝取煩惱施中菩薩當慍於法施中菩薩當不慍慍外道學中當不修學諸佛所許學中當善修學不平等見忍中當作不忍正見忍中當具足忍惡作業中當作懈怠善作業中當發精進於非想非非想生中當忘憶念於五通遊戲中當有定味於起屍蠱道可畏呪術中當作元智出世智中當作智慧當如於月於諸衆生等心白法增長故當如於日遠離黑暗作智光明故當如於地遠離於二於諸衆生等心故當如於水淨與不淨諸垢無惡故當如於火諸煩惱燒故當如於風於諸法無所著故當如虛空无量智故當如於海求善根無厭足故當如迷留山諸他論師不能降伏故當如蓮華世間八法不染著故當如於樹无分別故當如種性無盡法故諸煩惱不能蹴蹋故衆生行中當趣向故不著諸趣當向涅槃中故當作善田除去瞋

觀察諸法行經

第三十六卷

經

恨惡棘刺故當善選擇信為初行故當得大果說四諦故當得大利於佛法中故當得無障於智解脫三摩地三摩撥諦中故當得歡喜以法喜故當得已度於諸生死苦泥中故當墮相應巧方便故當作善業脫離不相應故當觀察善忍於證中故當作愛語以內淨信故當作牢固朋友乃至涅槃取勝朋友故當作淳厚无幻滅故當作質直無諂曲故當作柔軟易共住故當作可樂內潤信故當至諸處隨順轉故當作潤澤以大悲故當作渴仰於菩提場故當作不渴於諸欲中故當令飽足於諸聲聞故當作教化於諸緣覺故當作憶念於諸善根故當作發覺於不善中故當作守護於正法故當作不斷於三寶種故當作熾然於諸善法故喜王諸菩薩摩訶薩當寂滅諸惡業故喜王略說不善法諸菩薩無有也諸行諸善法應當說有也如是汝等當學我有如是教勅

觀察諸法行經

第三十七卷

經

彼自餘諸方來集菩薩摩訶薩及諸
大衆天人阿修羅捷聞婆等聞佛所
說莫不隨喜歡喜踊躍不能自勝並
作供養於佛所說皆大歡喜

觀察諸法行經卷第四

辛丑歲高麗國大藏都監奉
勅雕造

佛三藏法行經卷四 第三十八張 三

菩薩從兜術天降神母胎說廣普經卷第一

姚秦涼州沙門竺佛念譯

天宮品第一

如是我聞一時佛在伽毗羅婆兜術
翅授城北雙樹間欲捨身壽入涅槃
二月八日夜半躬自製僧伽梨帶多
羅僧安施羅跋薩各三膝敷金棺裏
襯身卧上脚脚相累以鉢錫杖手付
阿難八大國王皆持五百張白氎拈
檀木蓋盡內金棺裏以五百張氎經
裏金棺復五百乘車載香蘇油以灌
白氎余時大梵天王將諸梵衆在右
面立釋提桓因將忉利諸天在左面
立弥勒菩薩摩訶薩及十方諸神通
菩薩當前立余時世尊欲入金剛三
昧碎身舍利善哉不思議法於娑婆
世界轉此真實法余時世尊作是念
已十方世界皆六返震動余時世尊
從金棺裏出金色僧伽即問阿難迦葉
比丘今來至不對曰未至世尊重問
牛呵比丘來至未耶對曰於彼天上
瓶涅脰三衣鉢至佛告四衆吾今永

取滅度即復檢點入金棺裏寂然不
語如是再三出手須臾佛問阿難及
諸四衆比丘比丘且優婆塞優婆夷
八大國王天龍鬼神阿修羅迦留羅
緊陀羅摩睺睺羅伽闍婆人與非人
云何阿難吾前後所出方等大乘摩
訶行經汝悉得不對曰唯佛知之如
是再三佛告阿難吾於忉利天宮與
母摩耶說法汝亦不知對曰不知云
何阿難吾於龍宮與龍說法無數億
千諸龍子等皆令得道留金身舍利
百三十丈汝亦不知對曰不知云何
阿難吾處母胎十月與諸菩薩說不
退轉難有之法不思議行汝復知耶
對曰不知佛告阿難諦聽諦聽善思
念之吾今與汝一分別菩薩大士
難有之行阿難白佛言願樂欲聞佛
告阿難去此東南方一億一万一千
六十二恒河沙刹彼有世界名曰思
樂佛名香焰如來應供正遍知明行
足善逝世間解無上士調御丈夫天
人師佛世尊於彼現般涅槃而來至
忉利天宮經歷無數阿僧祇劫三十